

apt

Case

'F

39

.326

16/6 co

LE COVRRIER PICARD.

MESSIEURS, Je ne sçay si l'on sçaura gré à mon aage plus que sexagenaire, d'auoir pris la fatigue d'apporter de si gratieuses nouuelles aux seruiteurs des couleurs funestes: mais ce qui me traueille le plus, est de sçauoir, lequel des deux sera mieux receu en Cour, de mon paquet ou de moy: d'autant qu'il court vn bruit, que l'on n'y void plus les Picards de bon œil, depuis qu'ils ont par ignorance, marqué d'Ancre le noble Faquin d'Amiens: Accident arriué fortuïtement aux iours gras, dont on leur veut faire porter la penitence, en ce saint temps de Carefme.

Les ames basses interprettent sinistrement toutes sortes d'actions, & tousiours le larron pense qu'on parle de luy, qui est vn grand bôurrellement d'esprit. Cependât voila le mal-heur ou nous sommes auïourd'huy reduicts pour auoir a demesler avec ces petits Dieux de la terre, auortons de l'aueugle fortuné.

Ces Potirons engeance d'vne nuict qui ne scauent que c'est du iour d'honneur, sont plus difficiles à seruir que le grand Iupiter, en ce que toutes leurs actions sont poinctilleuses, & s'ils auoient le foudre en main, ils fulmineroient des nations toutes entieres, à l'appetit d'vne chimere grotesquement enfantée dans les nuages de leurs cerueaux brouillons.

Il n'appartient qu'aux Sages d'interpreter ou con-

A ij

damner les faits d'autrui, ordinairement les fols iugent à trauers champs : c'est dequoy se peut iustement plaindre le Marquis d'Ancre, (ie ne dis pas le marqué d'ancre, i'entens le Marechal) d'auoir admis à son seruice de coyons si temeraires, que d'auoir osé l'accompagner à vn Faquin, sans aucun fondement de verisimilitude ou ressemblance.

Ne sont-ils pas bien prodigues de l'honneur de leur Chef? bien souillons de sa renommée, bien ignorans de son extraction, & bien effrontez en leur iugement de s'estre fantasiez vne telle sottise. Quand cela eust esté vray, par sagesse politique, ils n'en deuoient tesmoigner aucun resentiment public; mais quoy? De coyons que peut-il sortir que coyonnerie? De faquins, que faquinnerie?

Depuis que l'on fait tels gens si gras, des biens que l'on retranche aux vrais seruiteurs du Roy, ils ressemblent à la fin (non au faquin qui est bon gentil-homme) mais aux Mulets qui regimbent contre la mere qui les esleue, aussi ne le trouue on estrange en eux, car qui oublie le seruice du souuerain Maistre, il ne faut en apres s'estonner s'il manque aux autres, qui fait vn pot, (dit le Prouerbe) il fera vne escuelle, en la fin ils se mocqueront ouuertement de leur Capitaine, sans considerer que tout franc coyon luy doit honneur & respect.

On leur pardonne bien de se gausser de ceux auxquels il n'y a bien ny vertu. Mais qui ne condamnera leur malice d'auoir publié qu'un sage Prince, accompagné d'une genereuse noblesse, ait voulu penser à cette brauade coionnesque? Cela est sorti du magasin de leur medfiance, les actions heroique

5
du Duc de Longueville l'exemptent de ce soupçon. Il a trop de courage pour s'attaquer à vn homme de menuiserie & prendre l'ombre pour le corps, comme le sot chien d'Esopé, il marche sur des Erres plus releuees, les mieux sensez ne croient point cela de luy, les fleurs qu'il a fait esclorre iusques à present, promettent d'autres fruits au seruice du Roy & bien de la France, mais voicy leur subtilité.

Cette troupe coyonne recognoissant qu'elle ne le peut luitter par la vertu, elle a pensé ternir son honneur par fadaiserie, en quoy ils sont tombez d'un abisme en l'autre, d'autant qu'ils ont appresté à rire à toute sa Cour, & que nul n'a adiouté foy à cette belle faquinerie, pour n'auoir nul fondement de verité.

Premierement le pretendu Faquin ne ressembloit en aucune chose à Monsieur le Marquis, s'ils veulent sonstenir que le Marquis ressemble au Faquin, passe sans flus, on les laisse libres en leur iugement: mais cestuy faquin de bois n'eust iamais d'affinité avec luy, il n'eust onc mere ne frere. Le Menuisier qui l'a faict n'estoit parent ny alié de ceux de Florence. Il ne sceut en sa vie vn mot d'Italien: Iene lçay comme ces Citadelistes Coions se sont peu persuader que ce fut le Marquis, il n'estoit de sa taille, n'y portoit barbe en pointe de fuseau, cestoit vn gros rustau esleué au bois de Dury, lieu remarquable au Seigneur, pour y auoir combattu vaillamment aux tranches de la foire, prouenât d'une colique peureuse, dont il fut saisi par l'aspect d'une cauallerie qu'il veid de loin, conduite par le Sieur de Rimberpré qui venoit au deuant de luy, pour le

recevoir & l'accompagner seurement iusques dans la Citadelle d'Amiens ; c'est possible le suiet pourquoy il ne la plus aymé depuis ce temps là , à cause de ceste esmotion. Non non, le Faquin ne luy ressembloit point, tous ceux qui l'ont cognu affermeront qu'il n'eust en sa vie de crainte , vraiment de ce cotté là : il ne s'appelloit pas Philippe Cochini Cochino, il auoit nom Guillaume sans peur, viue Dieu : ça esté possible le subiect pourquoy ces coions le iugeoient capable d'estre Marechal, attendu qu'il auoit plus de hardiesse que leur Maistre , enquoy ils auoient raison, car en coy on il ne faut iamais chercher de courage.

Ce pendant pour plaisir, imaginez vous aussi bien qu'eux de le voir Conducteur d'une armee ; representez vous vn homme bien empesché, il sera plus estonné que l'Antechrist à la rencontre d'une ciuiere, qui ne sçaura dire quel bout va deuant. Ainsi il faudra qu'il commande par protocole, que de belles batailles nous gagnerons sous son estendard, que de braues soldats se feront à son Escole. Cap de Dious Gascons, ce sera dorenauant vostre Maistre, l'un de ces matins l'on mettra en lumiere des Decades de ses gestes heroïques, ou sa noblesse prendra instruction comme dans les Commentaire de Monluc, & au Discours de la Nouë. Le pauvre Faquin d'Amiens ne fera point tant broüiller de papier, aussi n'est-il point Marechal, n'en déplaist à ceux qui se le sont persuadé.

Mais dira quelqu'un, pourquoy donc a-il enuoyé Miraumont pour en informer, on respond que chacun deffend ce qu'il aime ou luy appartient,

vous esmerueillez vous s'il prend faict & cause pour ce compagnon. Il y a bien des gens en Italie qui le loüeront de deffendre vn afrond qui redonde en brauade à toute sa Genealogie, & à celle de Madame sa femme.

Toutefois si Miraumont estoit si chausseux, de trouuer par autentiques informations que le Marquis & faquin n'est qu'une mesme chose, le voila en plus grãde fortune que le petit marescot, pour nous auoir aporté d'Italie vne extraction de plume ha! que le barboüillé d'Ancre n'est pas sorty de si bon lieu: i'ay grand peur que Miraumont ne les trouue point parés de ce costé là, & qu'il ne raporte qu'un quolibet de gaufferie de toute ceste faquinerie: Ou bien s'il prouue qu'il luy ressemble, ce ne sera qu'en ce point, sçauoir, que comme toute la noblesse couroit contre ce faquin par derision, à cause de sa mauuaise trongne, ainsi toute la France crie contre le Marquis pour le suiet de son insupportable ambition.

Par toutes ces raisons Messieurs, vous pouuez iuger qu'à tort on blasme les fidelles Picards d'auoir commis vne acte ou ils ne penserent aucunement, c'est vn vray *qui pro quo* d'Apotiquaire qu'ils n'ont fait, cependant on les a mis à la pille au verdjus, il n'a pas tenu à la Marquise que l'on en ait fait vn crime de leze Maiesté, elle les fait comme de cire, elle fait tout ce qu'elle veut & si pour tout cela elle monstre tousiours maigre mine aux François quand elle possederait toute la Courõne, ie ne me puis persuader qu'elle nous monstraist vn bon visage, elle ressemble aux corps Etiques, qui plus man-

gent plus amaigrissent comme Dieu suscita iadis la pucelle d'Orleans pour releuer cest Estat vacillant, on croit maintenant qu'il a enuoyé ceste galigaye pour le noyer dans les vagues de ses factions.

Il ne faut point estre des plus subtils pour descouurir l'enclouüre, s'il nous reste quelque estincelle au vray seruice du Roy & de la Roynes, le mal est si grand qu'il se peut cognoistre aisémēt, n'a on point veu à la face des Estats les insolens deportemens de la Marquise, comme elle veut despoüiller des charges, ceux qui ont eu l'honneur d'estre issus du sang de nos Roys, ne s'aperçoit on pas que leurs Maiestez, ne parlent que par bouches empruntees, que les ressorts du Conseil sont tousiours à l'ancre.

L'on aduouë que c'est vn grand heur de possedet les faueurs des Princes souuerains, mais il se faut garder d'en abuser au destriment de leur seruice & de leurs Estats, il est bon de recepuoir des liberalitez & non de les arracher par orgueil, tous les Princes du sang nous en monstrent l'exemple, leur rang ne les rend pas plus insolens, au contraire nous les voyons flechir à beaucoup de choses: monseigneur le Prince la tesmoigné par ses actions, iusques à supporter des brauades d'aucuns particuliers plustost que d'alterer l'armonie de ceste Monarchie. Le Duc de Longueuille en rēd pareil tesmoignage: car encore qu'il sçache que l'on tasche de circonuenir en leurs Majestez pour le rendre suspect, sous ombre qu'il ne veut ceder vn Gouuernement, qu'il ne peut, ny doit, pour le seruice du Roy, dont il pourroit estre vn iour subiet à reproche, neantmoins

7

814

apres ses tres-humbles remonstrances sur les inconueniens, sans approfondir d'auantage les secrets de son Souuerain, il se resoud de venir en Cour soumettre vie, biens, & honneur entre les mains de sa Maiesté pour en disposer selon l'vtilité de ses affaires.

Voila Messieurs les bonnes nouuelles que i'apporte aux coyons, mes tres-amerces aux fidelles Francois: ainsi les vns en feront aises, les autres tristes, les vns en discoureront d'une façon, les autres d'une autre, pour mon particulier, il faut que ie recite ce que i'en ay apperceu durant mon voyage.

Qu'elle apparence me disoient aucuns en venant qu'un sage Gouverneur abandonne en un temps si factieux, une Prouince de telle consequence? qui est le rampart de la France, & la Citadelle de Paris; Prouince qui n'a esté confiée, qu'entre les mains des plus affidés seruiteurs de la Couronne à cause de son importance. En quelle assurance sera aujourd'huy la ville Metropolitaine de tout le Royaume, si la Picardie est en la puissance d'un Estranger, qui n'a autre but que de se rendre absolu? C'est le seul point qui luy manque, car du reste il peut tout, il moyenne tout, il donne tout, l'apprehension plus grande qui le gesne, c'est que ce bon heur ne luy soit osté. Il apprehende les Reigles de Declinaison. C'est pourquoy il taschera de s'establir, fust-ce à la ruine de l'Estat, Seigneur Dieu! me dit lors un bon Curé, qu'il est dangereux de commettre à un esprit ambitieux, une Prouince telle que la Picardie s'il en estoit maistre, les Parisiens auroient fort à souffrir pour estancher la soif de ses cupiditez.

Qu'il forgeroit d'accusations pareilles à celles de Moisset! on penseroit bien à autre chose qu'à la maison de Ruet, tout seroit à sa mercy, les plus riches auroient plus à perdre, c'est à eux d'y preuoir cette pratique les fascheroit plus que celle du Palais, quand ils représenteront leurs perils à leurs Maiestez, elles en auront pitié: mais il les faut aduertir, d'autant qu'elles ne sçauent pas tout ce qui se passe, ils doiuent apprehender ce changement plus que les picards.

Comme ce bon Curé me tenoit ces propos, le seigneur du village me dit: Quoy mon bon homme le Duc de Longueuille nous quitte-il? Sont-ce les promesses qu'il auoit faites, de viure & mourir avec nous au seruice de sa Maiesté? Ne preuoir-il pas que le Marquis n'abaye apres la Picardie que pour se rendre redoutable à toute la France par le moyen des intelligences estrangeres? & en cas de reuers de fortune, trouuer marchand à point nommé pour debiter ses denrees, ou fauoriser ses desseins? Comment? Le Comte de Campobache Italien traitta-il le Duc de Bourgonne?

André Doria aussi Italien est vn naïf exemple à ce Royaume: François premier le mit en credit, & le fit general de ses Galleres: le Roy d'Espagne le pratiqua, moyennant vne principauté qu'il luy donna, deslors oubliant les faueurs de son premier bien faicteur, il ne fit conscience de le trahir & emmena vingt cinq Galleres du Roy avec tout l'équipage de guerre, ce qui causa la ruyne des affaires de sa Maiesté.

Qu'il

Qu'il soit ainsi que les richesses d'André Doria prouiennent des trahisons faites à la France en faueur de l'Espagne, cela se remarque clairement en ce qu'il n'a pas eu honte de faire escrire à l'entour de son hostel hors la ville de Gennes ces mots en Espagnol. *Por la gracia de Dios y del Rey Despaña, no ay en esta cosa ninguna cosa emprestada*, pour tesmoigner les grands biës que l'Empereur Charles Quint luy fit pour nous auoir fait du mal.

C'est ainsi que Madril cherche ses aduantages, & est à noter qu'il ne s'y endort iamais, quand il rencontre des Chalans, considérés si Amyens retomboit en l'inconuenient de l'an 1597. quel péril la France courroit. Messieurs de Paris ne se souuiennent-ils plus en qu'elles alarmes ils estoient, tant que les Espagnols possederent cette ville! qui nous peut asseurer que ne soyons à la veille du mesme malheur, voire plus grand, à cause qu'il y a maintenant vne Citadelle, qui est remplie d'Italiens, Vualōs & Estrangers? où il y a pour armer 15. mil hommes & Qui a vne faulce porte que le Marquis a fait faire du costé de la Flâdres, ou toutes sortes de secours peut entrer librement? Et qui de nouueau a fait faire vne grand' place entre la Citadelle & la ville, ayant abattu plus de 120. maisons sans recompenser les pauures proprietaires. En ce faisant il a gagné iusques à la riuiera des Celestins, où il a fait bastir vn pont leuis, avec corps de garde contre les habitans, & par ce dessein enferme la principale porte de la ville dans l'auant-place de la forteresse, de sorte qu'il est en luy de faire ce qu'il voudra d'Amiens.

Il est encore Gouverneur de Peronne en la mes-

me Prouince, l'une des plus fortes places du Royaume, à quoy pense donc le Duc de Longueville (me disoit ce gentilhomme) de laisser tant de perils derriere luy? la necessité nous doit faire preuoir nostre mal.

Pensons nous que l'Escorial n'ait plus de Principauté à donner, croit-on qu'il ne se trouue plus d'André Doria en ce tēps cy? l'aduouë que le Marquis d'Ancre ait l'ame franche & qu'il aime la France iusques à la vouloir posseder toute entiere. Mais ie veux apprendre vne maxime politique aux François tres-veritable, sçauoir, qu'il ne se faut iamais fier en vassal (& moins en vn Estranger) qui aspire à Principauté; c'est vn secret d'Estat, ce desir viole tout, (disoit Cesar.)

L'ambition du Marquis est claire pour ce chef, les enfans vont à la moutarde, des grandes offres qu'il a fait au Duc de Vvitemberg pour la souveraineté du Comté de Mombeliard sur les frontieres d'Alemagne & de France, s'il en pouuoit auoir vn gratis pour le pris d'un tour de passé passé, ne doutez point qu'il l'a laissast eschapper, qui s'en voudroit fier en luy? En luy, dis je, triomphe des miseres de la France, qui a basti orgueilleusement sa grandeur sur les cendres & despoüilles lamentables de nostre grand Henry, qui tranche le roytelet durant le bas âge de sa Majesté, non non: c'est en tel cal qu'il faut que les vrais seruireurs de la Couronne vueillent pour contrecarrer les malheurs, le Duc de Longueville ne sçauoit estre que blasmé, de venir prédre Paris pour Corbeil, laissant cette importante Prouince à la mercy des loups, par conse-

quent le reste du Royaume en peril éminent.

Vn autre me dit passant par Clermont, que c'estoit chose inouïe de forcer vn hōme à quitter son bien, que le Duc ne deuoit ceder au Marquis, encore qu'il fut plus fidelle qu'on ne pense, d'autant que c'est luy donner courage à brauer les Princes en d'autres pretentions pareilles, & puis qu'il estoit incapable d'un tel gouuernement; sur ce mot, vn coyon prit vertement la parole, disant, qu'il ne le cognoissoit pas bien, & que Dieu distribuoit ses graces diuersement, ainsi que le declare l'Apostre, & qu'encore qu'il n'eust ny valeur ny grande sagesse, qu'il auoit d'autres perfectiōs qui les equiualoient, sur ce entrant en colere, prouua quil estoit propre à faire vne retraite, comme il l'auoit tesmoigné par *l'Escampa via* du fauxbourg S. Germain, *vn bel fugir tutta la vita honora*. Qu'il auoit bien l'astuce d'engager les Princes & autres Seigneurs en querelles, pour ce pendant s'agrandir durant leurs disputes, qu'il ne manquoit d'inuētion pour trouuer argent, qui est le nerf de la guerre. Qu'il scauoit entretenir mille pensionnaires sans qu'il luy coutast vn sol. Non, non: il n'est pas si impertinent que lon crie, N'a il pas sceu couvrir dextrement du nom de duel l'assassinat projectté contre le sieur de Rimberpré, & disgracier le sieur de Villeroy? Vn Prince du sang ne l'eust sceu faire. Que direz vous du frere de la femme qui à peine scait lire & escrire, nonobstant il l'a fait trouuer capable d'estre Archeu. de Tours? N'a-il point fait passer la creation de trois Offices nouueaux qu'il a vendu dix neuf cens mil liures, & tout cela à la face des Estats qui gouuerne le priué

Conseil, sinon luy? Il faut auoir quelque vertu extraordinaire pour conduire tant de choses, mais qu'elle preuve veut-on plus grande de son courage que le peu de cas qu'il fit des larmes des pauures habitans d'Amiens qui se veindrent plaindre à cause de leurs maisons, qu'il auoit fait abbattre sans les récompenser? Ceste cōpassion pitoyable n'esmeust nullement à pitié la generosité de son cœur, c'est pourquoy maintenant, il fait tant d'aumosnes comme remarque celuy qui a fait le fleau des medisans, en recompense de ceux qu'il a ruyné, afin de n'en auoir l'ame chargée en l'autre mode, bon Dieu que c'est vn braue homme! ie ne fay nul doute, que si le Roy l'employoit au siege de la Rochelle qu'il ne l'à prit, car il prend tout, hé! puis qu'il est si riche, il preste maintenant de l'argent à la M. n'est-ce pas luy qui aduance 300. mil escus pour l'ameublement de sa maison, n'a-il pas encore trouué ceste gentille inuention d'aller en vn iour de Paris à Amyens en poste de carrosse, tous nos Roys ne l'ont sceu faire, vous diray ie la subtilité qu'il à de faire d'une fille plusieurs gendres? Quand ce seroit l'heritiere du feu Charles de Bourgogne on en feroit pas plus de cas, avec le temps il ne sera pas honteux de demander l'heritiere de Mont-pensier pour son fils, pourquoy non? Vn homme de pareille estoffe que luy pourchassa bien en mariage la Princesse de Nauarre, du temps de Henry III. Monsieur le Marquis se vantent bien de faire vne plus grāde fortune que c'estuy-là.

Ha, que la Picardie seroit heureuse si elle l'auoit pour gouuerneur, les faueurs de Cour y tōberoient

comme la manne aux deserts d'Arabie, les Picards sont sots d'estre si preuoiàs de l'dauenir, qui ne sçair que du temps & de la seigneurie ne se faut donner melancolie, dequoy se soucient ils des affaires du Roy, n'a il pas son Conseil? Qu'ils reçoient seulement le Marquis d'Ancre, sa coïonnerie les enrichira plus que la generosité du Duc de Longueuil- le, à quoy bon d'estre aujourd'huy si vaillât on s'en mocque, il n'est que de pescher en eau trouble.

Là dessus vn homme de Iustice print la parole & dit à ce gentil Coion: Mr. Mr. i'accorde que le Marquis soit d'extraction & de courage braue & vaillant Cavalier: Mais sur quoy se peut-il fonder d'oster à vn Prince vn Gouuernement qui luy a esté donné par le deffunct Roy & confirmé par sa M. regnante? qui sert fidellemēt l'Estat en sa charge? & sans mes- fait le cōtraindre de s'en despoüiller pour luy com- plaire. On n'a point encore veu telle pratique en France; voudriez vous bien quitter par haute lutte, vostre maison à vn voisin? & puis y a-il apparence de luy confier Amyens & Peronne, qui sont les deux principales clefs de la Prouince; le Conseil du Roy, ne les voudroit pas commettre routes deux à vn François, à plus forte raison à vn estrangier mal voulu; encore faut-il preuoir aux inconueniens le Marquis n'est-il pas assez grand? Il doit limiter sa fortune, sans abuser des bontés de leurs Maiestés.

Je ne suis pas enuieux de voir vn homme tel qu'il soit paruenir, pourueu qu'il ait la discretion de ne sortir des limites de raison, ny desbrânsler ruyneu- sement les affaires de son Prince, le Duc de l'Erme en Espagne faict ainsi; il s'agrandit, & traueille à l'a-

Grandissement des affaires de son Maistre, il nous le monstre bien par sa cabale, que ne faisons nous de mesme?

Espluchez les hy^{stoires} vous ne sçauriés remarquer qu'un François soit parvenu en Italie, ils ne l'endureroient pas fut-il du sang de nos Roys: & des pieds d'Escau viédront icy gourmander les Princes! cela est dur à surporter: n'avez-vous jamais leu le trait que les Espagnols firēt à Charles Quint, voiant qu'il affectionnoit le seigneur de Chieures Flamen, Prince de la maisō de Croy, qui auoit esté son Gouverneur en ieunesse? Ils ne purēt endurer ce sage seigneur pres la personne del'Empereur & le contrainquirent de le renvoyer en Flandres, cest ainsi qu'ils traittent ceux qui ne sont point de leur nation: il n'est que bon de ce que nous sōmes plus humains, mais aussi ne se faut-il pas laissé mäger la laine sur le dos. A ces raisons nostre Coion ne repliqua vn seul mot, sinon qu'il dit, que le Roy & la Roïne l'affectionnoient; d'autant plus est-il obligé, (dit l'autre) à prendre garde de n'alterer le bien de leur seruice.

Mon postillon qui auoit ouy tous les discours, m'en voulut conter sa ratelee, & me demanda pour quoy le Duc de Longueuille quittoit Amyens, si c'estoit à cause qu'il ne parloit pas bon Italien, d'autant que la Citadelle estoit pleine d'estrangers, & qu'on n'en voulsit mettre vn qui s'entendit mieux avec eux: Parbieu le Roy est mal seruy: quel diable ferons nous d'un nouueau Gouverneur, il ne court la poste qu'en carrosse, il ne nous donnera pas le droit du montoir, ce n'est pas ce qu'il nous faut: mon malier sortiroit mieux d'un meschant boubier que

luy, il n'est bon qu'à l'ombre ; Messieurs de Paris font-ils las de luy, puis qu'il nous l'enuoye? vertu bieu, s'il auoit la Picardie, il parleroit à eux à cheual, encore qu'ils ne luy virent iamais & les feroit enrager : non, le Roy à besoin dès à present de la patience de Monsieur le Prince, rendent l'estat de la generosité du Duc de Longueville en Picardie & de la fidelité du Marechal de Souueray pres de sa personne.

Tant de discours à la verité m'ont estonné, neantmoins ie n'ay laissé d'acheuer mon voyage pour vous aduertir assurement de la venue dudit Duc. Certes Messieurs vous contemplerez vn Prince avec vn port genereux & aimable, vn cœur tout François, tout porté au vray seruice du Roy, vne ame toute nette de trahison comme ses mains d'anarice, ce sera vn second baston de fcy. là la Frâce, mais Dieu luy vueille donner vne vie de plus longue duree, ce Roiaume en a besoin, & de beaucoup d'autres, aussi semble-il que le Ciel l'ait suscité en ce temps pour seruir fidelemēt sa Majesté & desauengler nos François, qu'un Estranger veut enseuelir dans les nuages de son credit.

SVR LES COVLEVRS de Monsieur.

*Zinsolin jaune & noir est la couleur funeste
D'un flasque Florentin du Royaume la peste,
Le iaune est l'or du Roy, vollé en mille endroïtz,
Le rouge zinsolin est le sang qui souspire
Et le noir est le dueil qu'ont tous les bons François,
De voir par un Coyon renuersé nostre Empire.*

SVR CE QVE CEVX DE LA
Citadelle d'Amyens ont fait sçauoir au
Marquis, que le Faquin couru par
M. de Long.luy ressembloit.

*Parbious Conchinistes Coyons
Vous n'aurez plus de pensions,
Ny part aux faueurs de Florence,
Vous estes plus sots qu'Harlequin
Ou auez vous veu qu'un Faquin
Eut l'air d'un Marechal de France.*

Responce de ceux de la Citadelle.

*Parbious nous sommes hors de blasme
Ne peuvent croire qu'une femme
Ait fait un Prince d'un Coquin,
Nous le preuient à l'indigence
Au premier qui vient à la France,
Car lors il n'estoit qu'un Faquin.*



